

Isihlengo—Isipho SikaNkulunkulu Esikhulu Kunazo Zonke (Ingxenye 2)

Sisekelwe esahlukweni 5 sencwadi ethi *Lifundisani Ngempela IBhayibheli?* etholakala engosini ethi jw.org/zu.

INJONGO: Hlola lokho okukholelwayo nokuthi kungani ukukholelwa, hlola lokho okufundiswa iBhayibheli futhi ubone ukuthi ungazichaza kanjani izinkolelo zakho kwabanye.



UKUFA KUKAJESU KUNGAKUTHINTA KANJANI UKUPHILA KWETHU?

1 HLOLA IZINKOLELO ZAKHO

Ucabanga ukuthi abanye abantu bangathini?

Yini wena oyikholelwayo?

Kungani ukukholelwa lokho?

2

HLOLA LOKHO OKUFUNDISWA IBHAYIBHELI


Isihlengo singasilethela izinzuzo eziningi. (Bheka isahluko 5 sencwadi ethi *Okufundiswa IBhayibheli*, izigaba 14-17.)

Funda eyabaseKolose 1:13, 14 neyamaHebheru 9:13, 14.

Isihlengo singasikhulula kanjani ekuzisoleni ngokwedlulele ngezono zethu?

Funda eyabaseRoma 6:23.

Isihlengo siyozuzisa abantu kuze kube phakade ngamuphi umqondo?



Njengesipho esikusiza kuphela uma usisebenzisa, isihlengo singasilethela izibusiso eziningi –kodwa kuphela uma sibonisa ukuthi sinokholo kuso

Kufanele sibonise ukuthi siyasazisa isihlengo.

(Bheka isahluko 5 sencwadi ethi *Okufundiswa IBhayibheli*, izigaba 18-22.)

Funda uJohane 17:3 neyoku-1 Johane 5:3.

Yini esizoshukumiseleka ukuba siyenze uma sisazisa isihlengo?

Funda uJohane 3:16; noJakobe 2:26.

Ingabe kwanele ukumane nje *sisho* ukuthi siyakholelwa emhlatshelweni wesihlengo kaJesu?

Yiziphi izindlela ofuna ukubonisa ngazo ngokukhethekile ukuthi uyasazisa isihlengo?

3

CHAZA IZINKOLELO ZAKHO

UMA UMUNTU ETHI . . .

Angiboni ukuthi ukufa kwendoda ethile, okwenzeka ezinkulungwaneni zeminyaka edlule kukuthinta kanjani ukuphila kwami.

UNGASE UPHENDULE . . .

Abantu abaningi bangase bavumelane nalokho okushoyo. Kodwa mina ngikholelwa ukuthi ukufa kukaJesu *kuyakuthinta* ukuphila kwethu, ngoba . . .

Imuphi umBhalo ongawufunda nalowo muntu?

Ukhumbula ukuthi umbono wakhe uyini ngale ndaba, ungabonisana kanjani naye usebenzisa lowo mBhalo?

UMA UMUNTU ETHI . . .

Okuwukuphela kwento edingekayo ukuze sisindiswe, ukuba nokholo kuJesu.

UNGASE UPHENDULE . . .

Ngiyavuma ukuthi ukuba nokholo kuJesu kubalulekile. Kodwa ngikholelwa nawukuthi kudingeka okungaphezu kokuba nje nokholo, ngoba . . .

Imuphi umBhalo ongawufunda nalowo muntu?

Ukhumbula ukuthi umbono wakhe uyini ngale ndaba, ungabonisana kanjani naye usebenzisa lowo mBhalo?
